



雍大記序

記疏載之文也述以爲事而無專於創作而疏貴載其詳述則貴得其要載其詳者弊於繁得其要斯幾於精矣無繁弊而精以幾於記其大者始然凡爲文者必此爲法况於括倫輿方述歷今古法可違乎太復子雍大記之成其意若此夫其爲體裁者三以擬於疆域者屬之攷謂渙散有以稽也擬於人代者屬之紀謂政時有以著也以成諸脩立者屬之志謂有以錄其存知也憫時弊行時弊以斷寓發褒諷放取遷固序贊附列述以爲作之法損益舊志約成名

類折易迹運治貢獻以別詞序。前核以彰往蹟宣人文以爲要其於二者有弗切者則弗錄焉。斯旣得載事之法成一書於一方而可以觀矣。書成大復子屬余序於首簡。余評曰：彰往蹟宣人文分載六類以記雍之六蓋善於記矣。而類之志獻顯昭人文尤記之大者乎。此形勝以資其華。衮河嶽以炫其靈秀。幅圖以倚其崇著。而彼黼黻經緯被浹宇內。德業高大以久。豈獨係於一域已乎。今夫州齊九野。雍域西北崑崙。奠其區宇內之流。必山爲宗。宇內之山必崑崙爲宗。而義軒文武伊衡旦奭。此生爲聖。卦爻象象此衍爲文。麟趾關雎。此端成化以衍以發。緒授道化流風闡繼未有已。息吾能識矣。書不可勝。今志尤耳。彼山川風氣占無異。壤則今亦無異。毓嗣起人文。躅懿前脩。俾輿圖益耀。誠矚之後人不及預載者。大復子督學柄憲。此於職司又爲大焉。待啓續書將來未涯。夫豈徒以脩立文字載麗於今已哉。大復子何氏仲默汝南人。是書開局立例。召學官生徒分輯成編。岐三十卷訂改甫就。卽病而休去。憲僉辰陽周公宗化攝學政。乃命校錄畢刊。周公表見人文之功。此並大焉。法當記者。遂於序并書之。

嘉靖壬午正月甲子關西逸史段景序

雍大記序例

雍大記者記雍之大也夫括方數千百里之地貫穿數  
千百代之事有不可勝載者必博收約文徵詞廣義以  
勒成一家之言斯可久遠行矣



夫類書勦而不根散而無宗雜而靡具是故觀者底焉  
今之所集務採事實撮要本俾始終以利觀者  
方域易置古今相湮或失其故今據圖乘稽聞是以求  
名實

山川取其望者某山宗也某川統也某山川系之其丘  
澤陵墓宮殿率附見焉若於地勢要害時事得失無所

係者悉得畧之

雍古帝王州也正位大統是宜詳載其三代封國之君  
春秋以來諸侯及晉宋之間夷狄入主者世系未泯典  
策有徵亦不得弗叙

人物各以傳叙列無傳而傳聞著者亦得疏其行實其  
仕宦流寓非其地產者別叙其所建白而其人因以見  
矣

文章錄其合作者不必皆取全篇苟有名理卽數言亦

采

叙述之義采係訓參史斷以儒哲之論其涉怪誕誣不

可以經世遂生者悉黜

紀叙各以時代俾古今不相踰紊

書以類分其類有六其體惟三類有多寡各以數目詮

次

曰物產戶口徭役賦稅弗載何也曰是書之作要在彰  
往蹟宣人文而已彼皆有地乘焉故弗載

今之人又其存者弗錄何也曰君子畢身而是定言行  
身後而始章蓋夫子沒而後學者叙論其事弗錄存者

俟也

卷之五

攷易

卷之四

攷易

卷之三

攷易

卷之二

攷易

卷之一

攷易

雍大記目錄



卷之一

攷易

卷之二

攷易

卷之三

攷易

卷之四

攷易

卷之五

攷易

卷之六

攷易

卷之七

攷易

卷之八

攷易

卷之九

攷易

卷之十

攷易

卷之十一

攷易

卷之十二

攷易

卷之十三

攷易

卷之十四

攷易

卷之十五

紀運

卷之十六

紀運

卷之十七

紀運

卷之十八

紀運

卷之十九

紀治

卷之二十

紀治

卷之二十一

紀治

卷之二十二

紀治

卷之二十三

紀治

卷之二十四

紀治

卷之二十五

卷之二十五

三



紀治

卷之二十六

志獻

卷之二十七

志獻

卷之二十八

志獻

卷之二十九

志獻

卷之三十

志獻

卷之三十一

志賁

卷之三十二

志賁

卷之三十三

志賁

卷之三十四

志賁

卷之三十五

志貫

卷之三十一

志貫

雍大記目錄終

雍大記卷之一

攷易

芒芒皇垠厥維西藩名都鉅鎮限夷蔽夏覽古悠邈肇  
茲實丕廢置靡常凶革世變迺明疆理慎此提封作攷  
易

陝西在禹貢為雍州春秋元命包曰東井鬼宿分為秦  
國東距穀坂西有漢中南合商山北阻陽周春秋文炳  
鈞曰華岐以北龍門積石南至三危之野雍州也屬地  
星漢書地志曰自東井十六度至柳分度為鶉首於辰  
在未秦之分野廣雅曰北斗樞為雍州周秦西漢西晉

後趙符姚西魏後周隋唐於此置都西漢置司隸校尉  
領三輔置涼州部刺史察舉隴西北地等郡而不常所  
治東漢司隸如故涼州治隴唐貞觀中置關內道開元  
中置京畿等四道採訪處置使而京畿道治京城關內  
道以京官領隴西道治西平山南西道治漢中後改採  
訪爲觀察其治仍舊宋初置陝西路後置永興鄜延環  
慶秦鳳涇原熙河六路經畧安撫司並以守臣兼領又  
置提點刑獄司治鳳翔金置陝西東路京兆都總管府  
以京兆府尹兼統軍宣權元帥左都監爲軍民都總管  
縣令兼軍民鎮撫都彈壓元中統元年置十路宣撫司

治西平路又置鞏昌便宜都總帥府中統三年立陝西  
四川行省至元七年改行尚書省九年改設王相府十  
七年罷王相府立陝西行中書省二十三年四川分省  
成都專立陝西行省大德元年移雲南御史於陝西謂  
之西臺皇慶元年改西安爲奉元路 國朝洪武七

年改行中書省置陝西等處承宣布政使司領西安鳳  
翔平涼延安慶陽臨洮鞏昌漢中八府改前元宣撫司  
置陝西都指揮使司領西安左西安前西安後平涼慶  
陽延安綏德鞏昌秦州臨洮蘭州洮州岷州河州寧夏  
寧夏中寧夏前寧夏左屯寧夏右屯寧夏靖虜固原漢

中榆林及四護衛鳳翔金州文縣三守禦千戶所又於  
河外甘州置陝行都指揮使司領甘州左甘州右甘州  
中甘州前甘州後肅州山丹永昌涼州西寧莊浪鎮番  
十二衛及鎮夷高臺古浪三守禦所改前元肅政廉訪  
司置陝西等處提刑按察司分六道關內道理西安關  
西道理平鳳關南道理漢中隴右道理臨鞏洮岷河西  
道理延慶寧夏西寧道理行都司各衛所三司並治西  
安府而行都司則分治甘州以控制河外山堂考索云  
陝西虞夏曰雍州商周曰西土春秋爲秦國戰國稱關  
中楚漢之際謂之三秦兩漢又名關西宋爲陝西路史  
記漢敬詔高帝曰陛下都洛陽豈欲與周室比隆哉上  
曰然敬曰陛下取天下與周室異周自后稷堯封之師  
積德累善十有餘世成王即位廼營成周洛邑以此爲  
天下之中也諸侯四方納貢職道里均矣有德則易以  
王無德則易以亡凡居此者欲令務以德致人不欲依  
阻險令後世驕奢以害民也及周之盛時天下和洽四  
夷向風慕義懷德附離而並事天子莊子曰附離不以  
膠漆也不屯一卒不戰一士八夷大國之民莫不賓服  
效其貢職及周之衰也分而爲兩天下莫朝周不能制  
也非其德薄也而形勢弱也今陛下與項羽戰滎陽爭

成臯之口大戰七十小戰四十使天下之民肝腦塗地  
父子暴骨中野不可勝數哭泣之聲未絕傷痍者未起  
而欲比隆於成康之時臣竊以爲不侔也且夫秦地被  
山帶河四塞以爲固卒然有急百萬之衆可具也因秦  
之故資甚美膏腴之地此所謂天府者也陛下入關而  
都之山東雖亂秦之故地可全而有也夫與人鬪不搯  
其吭捐其背未能全其勝也今陛下入關而都按秦之  
故地此亦搯天下之吭而拊其背也高帝問群臣群臣  
皆山東人寧言周王數百年秦二世即亡不如都東周  
上疑未能決及留侯言之上即日車駕西都關中

何景明曰余嘗自同耀按行延慶涼固西抵臨鞏旋漢  
沔金商而出藍田鄠杜逆郿鳳以東觀于豐鎬之間其  
西北皆荒漠界于蕃虜西南則錯於巴蜀皆湍險巖棧  
中中坦行者不數百里爾古云四塞然矣至論其形勢  
咸云據此可制山東不則無成夫周以歷年蔑可尚矣  
漢唐又長秦隋蹙亡修短得喪豈不以人哉

雍大記卷之二

攷易

西安府按舜置十二牧雍其一也周文武都豐鎬雍爲  
王畿秦併天下置內史領關中項籍滅秦分其地爲三  
封章邯爲雍王都廢丘司馬欣爲塞王都櫟陽董翳爲  
翟王都高奴謂之三秦漢高祖元年更雍州爲渭南郡  
五年高祖在洛陽從婁敬說始都之九年罷渭南後爲  
內史景帝分置左右內史武帝太初元年改內史爲京  
兆尹以渭城以西屬右扶風長安以東屬京兆尹長陵  
以北屬左馮翊以輔京師謂之三輔又置三輔中輔理

華陰左輔理高陵右輔理郿兼三都尉亦曰六輔王莽  
分長安城六鄉置帥各一人分三輔六尉郡更始元年  
三輔各復其舊光武都洛陽以關中地復置雍州尋復  
置司隸校尉統三輔如舊獻帝時董卓謂陳紀曰三輔  
平厥四面險固土地肥美號曰陸海遂徙都長安魏文  
帝分河西爲涼州隴右爲秦州改京兆尹爲太守馮翊  
扶風各除右右仍以三輔屬甸司隸晉省司隸於長安置  
雍州統七州治京兆郡惠立巾永安元年張方劫帝長安  
光熙元年六月還洛陽愍帝之後劉聰劉曜石劫符健  
符堅姚萇相繼竊據勒復置雍州堅置司隸校尉堅分  
司隸爲雍州分京兆爲咸陽郡萇孫弘爲劉裕所滅東  
晉復置雍州及京兆郡尋爲赫連勃勃所破遺子瓚鎮  
長安號曰南臺後魏大武帝始元元年破赫連昌以其  
地置秦雍南秦三州雍治京兆秦治天水南秦治伏羗  
雍州領京兆馮翊扶風咸陽北地等五郡三十一縣京  
兆郡領縣八孝武永熙二年自洛遷都長安號西魏復  
置京兆尹後周與隋因之開皇三年自漢長安故城東  
南移二十里遷都龍首川改京兆尹爲雍州大業三年  
改州爲京兆郡統縣二十二唐武德元年復爲雍州以  
古雍州之地分爲關右隴右二道後改爲關內道三年

分武功好時整屋扶風四縣置稷州分溫秀石門二縣  
置泉州真觀元年廢稷州以武功好時整屋來屬十七  
年廢州以華原同官二縣來屬天授元年改雍州爲京  
兆郡其年復爲雍州二年分始平武功奉天整屋好時  
等縣復置稷州分雲陽涇陽醴泉三原富平美原等縣  
置宜州大足元年廢鴻宜鼎稷四州以始平等一十七  
縣來屬開元元年改雍州爲京兆府天寶元年以京城  
爲西京京兆府領縣二十置十五道採訪爲京畿道至  
德二載曰中京元年建丑月停京名尋曰上都天祐元  
年昭宗東遷于洛降爲祐國軍黃巢寇長安焚燬宮室  
殆盡許公韓建棄舊城反郭城因子城築京兆府城梁  
開平元年改府曰大安二年改軍曰永平後唐同光元  
年復爲西京府曰京兆晉天福元年改軍曰晉昌後漢  
乾祐元年改軍曰永興其府名皆仍舊宋亦曰京兆又  
改永興軍金初分陝西爲五路京兆爲陝西東路初管  
五州十二縣真祐中管八州十二縣元初仍舊爲京兆  
府至元十四年降三州爲縣又併四縣改京兆爲西安  
府管五州十一縣至大四年改奉元路 國朝改奉  
元路爲西安府領州六縣三十附郭治長安咸寧二縣  
洪武中設西安前後左三衛并右護衛於府城內隸陝



西都司

長安縣漢書郡國長安古鄉聚名史記始皇書紀王第  
長安城曰成橋將兵擊趙盧縮長安侯高帝爲長安城  
隋開皇三年遷都大興城取萬年配長安爲赤縣唐總  
章元年析置乾封縣梁開平元年改爲大安縣後唐同  
光三年復爲長安宋金元因之縣在今城西門外  
國朝洪武四年移於今治

咸寧縣按漢書萬年縣屬左馮翊舊在櫟陽故城東北  
二十五里三輔黃圖漢太上皇葬櫟陽北原起萬年陵  
因置萬年縣隋開皇三年遷都大興城取萬年縣以配  
長安縣唐武德二年析置芷陽縣總章元年析置明堂  
縣天寶七年改萬年爲咸寧縣梁開平元年又改大年  
縣後唐同光元年復爲咸寧宋金元因之縣在今東門  
城外 國朝洪武三年移於今治

咸陽縣本周武王所都秦舊縣也孝公十二年於渭北  
城咸陽自汧隴徙都焉三秦記曰咸陽秦所都在九峻  
山南渭河水北山水俱陽故名咸陽秦自孝公惠文悼  
武昭襄王始皇二世胡亥並都之始皇二十六年一天  
下收天下兵聚之咸陽徙天下高貴豪富十二萬戶胡  
亥時閻樂爲咸陽令沛公入關秦二世子嬰降漢項羽

引兵西屠咸陽殺子嬰燒秦宮室火三月不滅漢高帝元年更名新城七年罷入長安元鼎三年更名渭城縣屬右扶風王莽改曰京城後漢省入長安秦咸陽在今縣東二十里故城是也漢渭城縣亦治於此前趙石勒於渭城置右安縣秦符堅於今縣東北長陵城置咸陽郡後魏太和二十年徙咸陽郡於涇水北今涇陽縣是也隋開皇初郡廢九年改涇陽爲咸陽十一年徙故咸陽城西三里屬雍州即秦之杜郵也大業二年省入涇陽唐武德元年復析涇陽始平置咸陽縣屬京兆郡寄治鮑橋三年徙白起堡六年又徙便橋西北即今縣也

天授二年武后以其母順陵在縣界陞爲赤縣神龍元年復爲畿後爲次畿宋金元皆爲縣

國朝因之隸

西安府

興平縣本周大丘之地帝王世紀曰周懿王二年王室大衰自鎬徙都大丘今槐里是也史記秦之先大駱生非子居大丘秦名曰廢丘項羽封章邯爲雍王都廢丘漢高帝三年改曰槐里縣屬右扶風武帝徙置茂陵縣昭帝又徙置平陵縣屬右扶風今縣東二十里有平陵古城魏皇初元年改平陵爲始平縣晉太始二年置始平郡領槐里始平武功鄠郿城五縣符堅徙始平於茂

陵故城後魏太武太平貞君七年省始平郡縣入扶風郡焉孝莊帝永安元年又徙縣於今縣東北一十五里恭帝元年又徙今縣東北二十五里後周宣帝大象二年復徙今縣東南十里文學城隋開皇三年隸京兆郡大業九年徙於今治唐天授二年隸魏州大足元年還雍州景龍四年金城公主降吐蕃贊普中宗送至縣因改爲金城徙於馬嵬故城至德初置興平軍二載改爲興平縣宋金元皆因之

國朝仍爲興平縣隸西安府三秦記曰長安城北有始平原數百里其人井汲集爲井深五十丈漢時亦謂之北芒巖

高陵縣本秦舊縣孝公置左輔都尉治也史記秦昭王第封高陵君漢隸左馮翊王莽改曰千春其治在縣西一里故城後漢左馮翊自長安出治高陵魏黃初元年改爲高陸縣隸京兆郡其治在今縣西南後魏徙於今所隋大業二年復爲高陵唐武德元年析置鹿苑縣貞觀元年省鹿苑天授二年隸於鴻州至大足元年又屬雍州 國朝仍爲高陵隸西安府

臨潼縣本周驪戎國晉獻公伐驪戎其後秦滅之爲驪邑漢高祖七年置新豐縣郡國縣道記曰今縣東十三里故新豐縣西南四里新豐故城即高帝爲太上皇所

立後漢靈帝末徙安定郡陰盤縣寄治於此城今亦謂之陰盤城後魏太和九年徙陰盤於今縣東三十二里冷水西戲水東司馬村故城是其新豐縣自陰盤寄治後又徙於故城東三十里蓋在零水側閔帝元年又徙於天寶廢新豐縣東南七里隋大業七年又徙於天寶中廢縣所治垂拱二年以縣東南三十里有山踔出改爲慶山縣天授二年於縣界零口置鴻州析慶山渭南兩縣置鴻門縣以慶山尚陵櫟陽渭南五縣隸焉又視元年廢州并鴻門縣神龍元年復改慶山爲新豐縣開元後玄宗歲幸溫湯以縣去湯泉稍遠天寶四載析新

豐萬年二縣於溫泉宮置會昌縣於今治以山名名之外爲赤縣六載發馮翊華陰築會昌羅城於溫湯所置百司及公卿邸第七載省新豐改會昌縣曰昭應宋大中祥符八年避玉清昭應宮名改縣爲臨潼金同元大德間以櫟陽併入爲一縣 國朝因之隸西安府本去面驪山背渭水東控鴻門西接灞水孟康云縣東七十里舊大道北下坂口有鴻亭高帝見項羽處 涇陽縣本秦舊縣史記秦昭王弟封涇陽君按漢書涇陽舊縣屬安定郡卽今平涼境中惠帝四年改於雍州之北置池陽縣屬左馮翊故城在今縣西北二十里以

其地在池水之陽故曰池陽符堅於池陽縣東南二十  
八里置涇陽縣後魏改縣置咸陽郡後周建德中省池  
陽縣隋開皇三年罷咸陽郡徙縣治於廢郡隸雍州即今  
縣也唐天授二年隸鼎州大足元年還隸雍州宋金因  
之有元至元二年併入高陵縣三年復立十四年以雲  
陽縣併入涇陽縣 國朝仍爲涇陽縣隸西安府通  
典徽猷懿王時侵暴及涇陽至宣王命將討伐至太原  
稱爲中興爾雅曰十數周有焦獲寰宇記焦獲數在今  
京兆府涇陽北十數里亦名瓠口之玄宮武帝元封四  
年冬十月行幸雍祠五時通回中道遂北出蕭關回中  
卽涇陽高平甚險阻前秦錄曰符捷攻張琚於宜秋還  
登石安原而嘆曰美哉斯原也悵然有終焉之志  
鄠縣本有夏之扈國尚書啓與有扈戰于甘之野孔安  
國曰甘有扈郊春秋左氏傳夏有觀扈杜預曰始平鄠  
縣有扈鄉帝王世紀曰扈至秦改爲鄠甘亭東北二十  
五里有鍾官城秦始皇收天下兵銷爲鍾簣處殷爲崇  
國文王伐崇作邑於鄠在今縣東漢志鄠縣屬右扶風  
有扈父亭晉屬始平郡後魏太平負君七年屬京兆郡  
自漢至隋皆爲扈城置縣即今北二里故城是隋大業  
十年改今治唐爲畿內之地宋金元因之 國朝仍

爲鄠縣隸西安府世紀文王受命徙都於豐說文豐文  
王所都在京兆杜陵西南括地志周豐宮文王宮也在  
京兆鄠縣東三十五里地理志澧水出右扶風鄠縣東  
南左傳云秦穰晉侯會諸靈臺靈臺在鄠縣鄭氏曰崇  
侯虎倡紂爲無道西伯伐之

藍田縣秦舊縣也竹書紀年曰秦惠王命太子向爲藍  
田君水經云藍田縣蓋子向之邑漢書曰藍田縣秦孝  
公置山出美玉周禮曰玉之美者曰球其次曰藍三秦  
記曰縣出美玉故名藍田秦屬內史漢屬京兆尹後魏  
大武帝太平真君七年省縣孝文帝太和十一年復置

隸京兆郡後周閔帝二年析縣置玉山白鹿縣以三縣  
置藍田郡武帝建德二年山自郡廢玉山白鹿入藍田以  
隸京兆自縣西三十里故城以徙嶢柳城今治是也唐武  
德二年析置白鹿縣三曰山入曰寧民又析藍田置玉山  
縣貞觀二年皆省入藍田宋金元因之 國朝仍爲  
藍田縣隸西安府舊志縣本名嶢柳城亦謂青泥城晉  
中興書曰桓溫伐符健遣京兆太守薛珍擊青泥城破  
之卽其處

藍田縣本漢舊縣山曲曰藍水曲曰屋武帝置屬右扶  
風後漢省晉復之隸扶風郡後魏太平真君七年併入

武功縣後周天和二年徙縣令鄠縣西北三十五里析  
雍州之終南郡於此置恒州領周南郡建德三年始徙  
縣於今治唐置周南郡隋郡廢以縣隸京兆郡唐武德  
二年廢恒州縣隸稷州又於漢盩厔故城置終南縣八  
年省員觀元年廢稷州復隸雍州天授二年又隸稷州  
大定元年復隸天寶元年改爲宜壽至德二年復爲盩  
屋後晉天福元年隸鳳翔府宋因之金貞祐元年隸京  
兆府改爲恒州太守元隸奉元路 國朝洪武二年

開設仍爲盩厔隸西安府三秦記曰魏遣鍾會十萬餘  
衆分從斜谷駱谷子午谷趣漢中魏曹爽由駱谷伐蜀  
雜海云縣西南一百二十里有駱谷關武德七年開駱  
谷道以通梁州駱谷道漢魏舊道也南通蜀漢魏曹爽  
伐蜀由駱谷入晉司馬勲出駱谷破趙成壁於懸駒輿  
地廣記駱谷路通長安唐德宗僖宗幸興元皆出此  
三原縣禹貢雍州之域春秋時秦地始皇置四十郡屬  
北地郡漢惠帝四年以其地置池陽縣屬左馮翊後因  
之前秦苻堅於鞏驍山北置三原護軍以其地南有鄠  
原西有孟侯原北有白鹿原故名後魏太武太平眞君  
七年罷護軍置三原縣屬北地郡周地圖記曰孝明帝  
孝昌三年蕭寶寅逆亂關內毛鴻賓立義柵捍賊莊帝

永安元年於此置北雍州以鴻賓爲刺史俗謂之鴻賓  
柵又徙縣治於清水谷按魏書毛遐鴻賓兄也亦有功  
於魏孝明詔徙北地郡之三原縣爲建忠郡屬北雍州  
以表其兄弟功也後周武帝建德二年郡廢以三原縣  
隸馮翊郡今縣東北三十里卽三原縣故城隋文帝開  
皇三年以縣隸雍州屬京兆郡唐高祖武德四年徙治  
於清水谷南故任城改池陽縣六年又徙故所改池陽  
縣仍分治三原縣隸北泉州太宗貞觀元年廢三原縣  
改華池縣爲三原縣隸雍州唐末李茂貞據鳳翔以京  
兆之華原縣置耀州後唐莊宗同光元年以縣隸耀州

宋太宗太平興國初改耀州爲武德軍以縣屬之哲  
元祐三年復置耀州仍以縣屬隸未興軍路高宗建  
四年沒於金金隸陝西京兆府路元改耀州爲輝州以  
同官富平三原縣屬之隸陝西奉元路後至元二十四  
年徙三原縣於龍橋鎮是今縣治 國朝洪武二年  
改奉元路爲西安府輝州爲耀州領富平同官三原三  
縣弘治三年縣民巨海奏改直隸西安府一統志縣北  
十五里有永安城後魏以北雍州治此雜海云縣西南  
十五里有黃白城李暹亂政天子東遷三輔飢歎乃移  
黃白城



商州本商契所封之國春秋時屬晉戰國時屬秦秦相  
商鞅會邑商邑漢屬弘農郡古弘農郡今爲華陰東漢  
屬京兆尹晉爲京兆南郡後置上洛郡隋改爲商洛縣  
元魏因之西魏兼置洛州後周改爲商州唐宋皆因之  
金改商州爲秦監軍防禦使元仍爲商州 國朝改  
爲商縣後復改爲商州隸西安府通典商州上洛縣有  
商山四皓所隱其地險阻州東一百里有武關括地志  
曰武關山爲地門上爲天齊星關大小之不同今諸侯  
多其力因建關而備之豈若定地勢使守可備之患水  
經注丹水東南注歷少習出武關武關秦之南關也通  
南陽郡左傳哀公四年謀起豐析以臨上雒使爲陰地  
之命大夫將通少習以聽命杜氏注少習商縣武關也  
將開武關道以伐晉京相璠曰少習楚通上洛阨道也  
楚懷王三十年秦昭王遺懷王書願會武關詐命一將  
軍伏兵武關號爲秦王至則閉執之以歸呂氏曰沛公  
圍苑定南陽至丹水還攻胡陽攻析酈皆降攻武關入  
秦引兵繞峽關踰寶山擊秦軍至藍田西入咸陽賈誼  
新書所爲武關函谷臨晉者大抵爲備山東諸侯也杜  
篤論都賦曰杜口絕津朔方無從關梁之險多所衿帶  
一卒舉礪千夫沈滯竹書紀年晉烈三年楚人伐我南

鄙至於上洛王莽命王級曰繞雷之固南當荆楚史記  
六國表秦孝公十一年城商塞戰國策魏戰於陘山魏  
許秦以上洛以絕秦於楚戰國策即墨大夫入見齊王  
曰鄔郢大夫不欲爲秦而在城南下者百數王收而與  
之百萬之師使收楚地即武關可以入矣括地志曰武  
關在商州上洛縣東九十里

洛南縣在洛水之南故名按雍州地志周以洛南屬商  
州漢屬弘農郡晉隋屬商唐屬京兆郡宋金元因之復  
爲商州 國朝洪武七年改商州爲商縣始分洛南  
爲縣隸西安府華州今屬商州

山陽縣本雍荆之域春秋戰國皆屬秦即漢商山之地  
歷漢唐五代宋金置邑之始缺其所並及考圓覺寺古  
碑書大元國奉元路商州豐陽縣大德元年丁酉歲華  
藏禪僧尋獲斷碑云大唐貞觀三年考之史貞觀唐太  
宗之年大德元成宗之年豐陽邑唐以來未詳元始書  
之 國朝降商縣改豐陽爲巡檢司成化年間復陞  
商縣爲商州徙豐陽巡檢司漫川更立山陽縣隸商州  
商南縣本雍州之域商於之地在商州東三百里東去  
鄧州內鄉縣三百里古無此邑 國朝新置商南縣  
隸西安府

鎮安縣縣去府東南三百五十里萬山間唐萬歲通天元年析商州豐陽縣地置安業縣景龍三年隸雍州景元中復隸商州乾元元年改爲乾元縣隸京兆府尋遷商州永太元年爲羗賊燒毀徙縣於西北六十里長慶二年復置乾元縣於舊地光啓二年經蔡賊燒蕩又徙縣於西北西王峪龍紀元年復歸舊縣五季漢乾祐二年隸京兆府改爲乾祐縣宋金因之隸京兆府元季至元丙子改爲乾祐巡檢司至壬辰仍復縣於舊地甲午年革 國朝洪武八年仍立乾祐巡檢司屬西安府咸寧縣景泰三年始置今縣先建於野坪後遷於謝家

灣即今縣治

同州按地里叢編戰國時秦羽分屬塞國漢高帝置河上郡景帝分爲左內史武帝改左馮翊東漢因之後爲馮翊郡晉及元魏皆因之西魏改曰同州天寶元年爲馮翊郡梁曰忠武軍宋太平興國七年陞爲定國軍金爲定國軍節度元亦曰同州按唐韻會字注馮翊南有九泉同於一流故以名州實漢唐左輔之地 國朝因舊爲同州隸西安府按秦紀繆公送夷吾夷吾謂曰誠得立請割晉之河西八城與秦背約不與戰於韓虜晉君以歸夷吾獻河西東至河秦數易君晉復強奪秦

西河地孝公元年下令曰二晉攻奪我河西地魏世家  
 襄王十五年予秦河西地戰國策摽留謂韓王曰魏兩  
 用犀首張儀而西河之外亡矣起守西河而秦兵不敢  
 東鄉呂氏春秋曰吳起去西河而泣曰君誠知我而使  
 我畢能秦必可亡而西河可王今君聽諛人之議而不  
 知我西河之為秦也不久韓信傳涉西河正義云即  
 州龍門河從夏陽渡者地理志關內關三十一同之龍  
 門其一也郡縣志同州馮翊縣界有沙苑周太祖與高  
 歡戰於沙苑大破之人栽一樹以表其功通典西魏乘  
 勝攻陷陝州神武西至沙苑

郃陽縣在商周為有莘國春秋時屬晉戰國時屬魏少  
 梁秦為內史喬池漢為夏陽縣晉隋屬左馮翊唐屬同  
 州在洽之陽故為洽州降為洽陽縣其後流絕去水加  
 邑因名為郃陽宋金元皆因之 國朝仍為郃陽縣

隸西安府同州縣有羈馬城左傳秦伐晉取羈馬漢書  
 縣西南有梁山公羊傳曰洽陽之山也爾雅曰晉望一  
 統志縣東四十里有夏陽城內有周文王妃太姒墓縣  
 有剗首坑左傳晉敗秦師於令狐至於剗首

朝邑縣古雍州之地春秋時為蒲闕戰國為秦魏境築  
 城於此漢曰臨晉縣晉為左馮翊之地後魏分置南五

泉縣西魏改爲朝邑縣以據朝坂故名隋有長春宮有  
關官有蒲坂尋復爲朝邑唐武德三年析置河濱縣乾  
元三年改曰河西縣隸河中府大曆三年復曰朝邑縣  
隸同州五代宋金元因之 國朝仍爲朝邑縣隸西  
安府同州一統志縣東有大荔戎城西有高陽城後漢  
書臨晉本大荔有河水祠有芮鄉卽古芮國戰國策卽  
墨大夫見齊王曰齊地方數千里帶甲數百萬三晉大  
夫皆不便秦而在河湮之間百數玉収而與之百萬之  
衆使収三晉之故地卽臨晉之關可以入矣  
涇城縣古雍州之域在陝省東三百里春秋時爲晉北

徵地後屬秦漢始置徵縣後誤爲澂東漢省後魏置

城郡以縣屬同州唐初析置長志乎縣後省長慶中割入

奉先縣五代梁屬河水府後唐復置同州宋金元

因之

國朝仍爲澄城縣隸西安府同州一統志縣西南二十

二里有北徵城乃秦伐晉取北徵卽此縣西北有王官

城左傳穆公伐晉取王官

白水縣本古之彭衙縣春秋晉秦交戰之地漢因其舊

屬左馮翊永元九年縣北界有粟邑後魏廢至隋改爲

白水縣以城西三里有白水河爲名亦屬馮翊郡歷唐

宋及元皆隸同州 國朝仍爲同州白水縣屬西安

府左傳文公二年晉敗秦於彭衙

韓城縣武王之後韓侯封於此春秋時韓梁二國也晉為少梁邑秦晉戰於韓原卽此地秦更名夏陽縣漢為夏陽縣屬馮翊郡隋開皇中始置韓城縣以古韓城為名唐初置西韓州尋改為縣唐武德八年徙置西韓州貞觀八年以縣屬同州五代梁屬河中府後唐復舊州廢宋天祐二年更為韓原金改禎州太守取詩之幹不庭方謂幹正也禎而正之也故曰禎元至元元年州廢二年再立六年州又廢為韓城縣

國朝仍為韓城

縣隸西安府同州漢書縣有龍門山太史公曰遷生龍

門常昭曰在縣北博物記曰有韓原韓武子采邑鄭氏曰韓侯先祖居韓城為侯伯其界外接蠻服范睢曰秦韓之地形相錯如繡前漢書云長安瀕南山近夏陽師古曰夏陽卽河之西岸也在同州韓城縣界

何景明曰詩曰高岸為谷深谷為陵古今地形變遷安有常哉是故紀載封疆多失其故至於大謬不可勝道也余覽舊志若洛南縣謂晉都韓城謂韓武子采邑復繫之郃陽以郃陽為晉望近矣而乾州亦云晉望或易置相錯或疏遠承誤惡可以畫一哉今直以地里稍通者為定附之俾後有可考焉爾

雍大記卷之三

攻易

華州因山得名周爲王畿之地鄭桓公始封之邑其地一名咸林又曰拾固封桓公乃名爲鄭自鄭武公東徙河南新鄭之後此地乃其故國春秋時爲晉地戰國爲秦魏二國之境秦爲內史地漢屬京兆尹至西魏始改爲華州隋煬帝初州廢屬京兆馮翊郡唐改太州天寶元年改華陰郡昭宗化光元年陞爲興德府梁爲感化軍後唐改鎮國軍宋皇祐五年改鎮潼軍節度金改金安軍元復改爲華州 國朝仍爲華州隸西安府領

華陰渭南蒲城三縣王莽建炎元年五月趙子松建三屯之議一屯河中陝華胡舜陟言以三京關陝析爲四鎮同華陝府隸京兆擇人爲將帥史記魏築長城自鄭濱洛卽州東南三里魏長城是也正義云同華銀綬並魏地謂之山北華州以東至魏陝謂之河外  
華陰縣禹貢道河南至於華陰山北曰陰縣在華山正北故云史記魏文侯三十六年齊侵陰晉本故陰晉地也秦惠文王五年更名寧秦呂氏曰春秋九穀云秦之華陽高誘曰或在華陰西又曰桃林縣西長城是也晉地道記曰潼關是也漢高帝八年更寧秦爲華陰太華山在南有祠集靈宮漢武帝起菴曰華下隋曰華陰唐垂拱元年更名仙掌天授二年析置潼津縣在關口後隸虢州聖曆二年來屬長安中省神龍元年復曰華陰上元二年曰太陰華山曰太山寶應元年復故名有渭津關漕渠自苑西引渭水因石渠會灞灑涇廣運潭至縣入渭天寶三載韋堅開又有永豐倉臨渭倉西十八里有瓊島宮故隋華陰宮顯慶三年更名東十三里有隋金城宮武德三年廢顯慶三年復置西二十四里有敷川渠開元二年姜師度鑿以洩水害五年刺史樊洸復鑿之使通渭漕金元皆曰華陰唐屬鎮國軍宋屬鎮



潼軍金屬金安軍元復屬華州 國朝仍為華陰縣  
屬西安府華州

渭南縣本漢新豐縣地秦符堅置渭南縣屬京兆郡因  
漢初有渭南郡故名後魏孝昌三年徙置今縣東南四  
里明光原上為南新豐縣仍置渭南郡西魏廢帝二年  
分置靈源中源二縣改南新豐為渭南縣後周建德二  
年郡及二縣並廢入渭南屬雍州隋文帝開皇十四年  
徙縣於今治兩京道里記曰隋文帝過縣以原上乏水  
故徙之唐武德元年隸華州五年復隸雍州天授二年  
於零口鎮置鴻州析渭慶山置鴻門縣領渭南慶山高  
陵櫟陽鴻門五縣大足元年廢鴻州併鴻州入渭南

雍州後周顯德二年析隸華州宋金元皆因之 國

朝仍為渭南縣隸西安府華州晉志漢祖龍興矯秦之

弊分內史曰三部二內史者渭南河上地也

蒲城縣本秦重泉縣史記秦簡公城重泉歷漢如之莽

曰調泉後漢復舊皇後魏省即今縣南五十里有重泉

故城孝文帝太和十一年分白水置南白水縣以在白

水之南為名西魏廢帝三年改泉水為蒲城縣以縣東

有蒲地因名本屬同州唐開元四年以縣之豐山建睿

宗橋陵改為奉先縣仍隸京兆府十七年陞為赤縣天

祐二年復屬同州宋開寶四年仍曰蒲城天禧四年隸  
華州金元因之 國朝仍爲蒲城縣隸西安府華州

長安志賈城在縣西南一十八里古之賈國左氏傳謂  
芮伯梁伯賈伯伐曲沃是

乾州在長安西北隅故名本漢池陽縣屬左馮翊晉屬  
扶風郡後魏爲咸陽郡寧夷縣北隋改寧夷曰醴泉隸  
京兆府唐武后光宅元年析醴泉始平好時武功豳州  
之永壽五縣之地置奉天縣屬京兆郡德宗出幸陞爲  
次赤乾寧二年改置乾州又以畿內之好時武功盩厔  
醴泉隸之尋並復舊天祐中復爲乾州領奉天一縣梁

太祖乾化中陞威勝軍析奉天好時武功盩厔醴泉五  
縣以隸焉後唐莊宗同光二年罷軍名復爲乾州屬鳳  
翔府領奉天好時二縣其醴泉武功二縣還京兆府盩  
厔入鳳翔府後唐天成二年領奉天一縣其好時還京  
兆府宋乾德三年復析好時與邠州之永壽二縣隸之熙  
寧三年廢州以奉天縣隸永興軍金改威勝軍太守元  
復爲乾州 國朝因之隸西安府領武功醴泉永壽

三縣北五里有梁山古公去邠踰梁山

醴泉縣本漢左馮翊谷口縣地在九峻山東連仲山之  
西當涇水出山之處故謂之谷口今縣東四十里有谷

口舊城王莽曰谷喙後漢魏晉為池陽縣地後魏武帝於口置温秀寧夷二護軍改池陽縣為寧夷縣隸咸陽郡西魏置寧夷縣後周改為寧秦縣隋開皇十八年改寧秦縣為醴泉縣隸京兆郡以縣界有漢醴泉宮方輿記曰漢宣帝聞泉味如酒故以名縣亦漢宮名其城即古仲橋城也唐武德元年析置温秀縣按縣北有温秀嶺後省醴泉貞觀十年營昭陵在九峻山析雲陽咸陽二縣復置醴泉縣隸雍州天授元年隸鼎州大足元年還隸雍州廣德元年陞為赤縣宋金元因之

刻曰青驪曰什伐赤曰特勒驃曰颯露紫曰拳駟曰白蹄鳥

武功縣古有郃國堯封后稷之地周平王東遷以雍州賜秦孝公置四十一縣釐美陽武功各其一也古之武功蓋在渭水南即今郃縣地是按漢右扶風有釐有郃有武功今此縣舊文釐美陽武功各為縣而又云縣在郃縣地釐郃美陽皆為武功耳左傳周景王使桓伯讓於晉曰我自稷郃芮岐畢吾西上也杜注云郃在始平武功縣郃地是也廟記曰武功本名郃後改名釐城關駟十三州志曰釐古文作郃古今字異耳舊縣境有武

山斜谷水亦曰武功水是則縣本以山水得名也漢屬右扶風王莽曰新光後漢省永平八年復自渭水南徙武功縣於故鰲城任安以武功小邑無豪右高賢故居武功晉屬始平國後魏太和十年改為美陽又置武功郡兼美陽莫西二縣屬岐州後周孝明帝武成二年以武功郡屬雍州武帝建德三年省武功郡美陽縣自此以前皆治鰲城今西南二十二里故鰲城是其後立武功縣於今治所中亭川唐武德三年分雍州之武功好時整屋郿州之郿四縣於今置稷州因后稷所封為名又析始平置扶風縣四年以岐州之圍川隸之七年以郿隸岐州貞觀元年廢州省扶風以圍川 兩泉隸岐州整屋武功隸雍州天授二年復為稷州領 山功奉天始平整屋好時等五縣大足元年廢稷州復隸京兆後唐同光中隸鳳翔長興元年還屬京兆府宋金因之元隸奉元路 國朝仍為武功縣隸西安府乾州杜預曰縣西北有周城帝王世記曰周太王所徙南有周原即此後漢傳永初二年春羗寇三輔擊之轉戰武功美陽關在縣北七里

永壽縣本古豳國之地漢為右扶風之漆縣後魏置廣壽縣後周改永壽縣隋省入新平縣唐初置縣於永壽

鎮因以求壽爲名隸邠州神龍屬京兆景龍初屬邠州  
宋乾德二年廢改屬乾州金因之元至正四年又以好  
時併入是邑徙縣於麻亭鎮 國朝仍爲求壽縣隸

西安府乾州世紀太王踰梁山括地志好時縣西北十  
八里漢書云雍王邯迎擊漢陳倉雍兵敗還走戰好時

邠州本古西戎地虞夏之際棄爲后稷而封于部夏衰  
棄子不窟失其官守自窟於戎狄之間至公劉脩后稷  
之業乃立國於邠之谷春秋戰國皆屬秦漢屬右扶風  
安北郡漢末置新平郡無屬安定晉因之西魏爲邠州  
後周至隋皆因之煬帝初廢州以其地爲安定北地郡

隋義寧二年復置平郡宋陞爲靜難軍節度使金爲邠  
州屬永興軍元初因金之舊屬莊浪路領新平宜祿淳  
化三縣尋改屬鳳翔以邊警斥堠犬牙相制直隸陝西

省 國朝廢新平宜祿二縣俱併入州祇領淳化一

縣隸西安府玉海志天寶後王官之戍北不踰河西至  
秦邠開元二十年治於京畿採訪使通典云秦晉遷九  
姓之戎於渭汭在新平彭原之間孔氏曰公劉居豳度  
其原隰蔡氏以爲卽邠州傅氏曰二澗當在邠州界皇  
澗過澗是也

淳化縣因宋年號得名本漢之黎園鎮屬雲陽金龜鄉

王褒雲陽宮記曰車箱坂下有梨園漢武築之唐季克用以并師討邠岐駐軍梨園寨宋淳化四年因其地山林深僻多聚盜賊遂以雲陽金龜等六鄉建爲淳化縣元移縣治於三水改爲三水縣至正十八年復徙國朝仍爲淳化縣隸西安府邠州

三水縣古豳國故地舊城址存焉秦漢隋唐皆爲近畿大邑元至正十有八年移治淳化縣國朝因之成

化丁酉都御史余子俊馬文昇奏復故縣屬邠州郡縣志云古豳城在縣西三十里公劉始都之處地理志豳故桐邑故城在縣東北二十五里宋熙寧五年隸寧州

政和元年隸邠州西魏置恒州尋廢縣界有羅川谷三泉並流

耀州本漢祿祔縣之地景帝二年置屬左馮翊宣帝神爵二年鳳凰集祔祔城今州東北一里故城是後廢後

漢永元九年復魏文帝自今寧州彭原縣界富平故城徙北地郡於此其縣遂廢後魏初徙北地郡於今宜君

縣界義亭故城於此置北雍州永熙二年自三原縣界永安故城徙北雍州於今華原縣西魏改爲宜州又廢

帝三年別立通川郡領泥陽縣隋開皇三年罷郡以縣屬宜州六年改宜陽爲華原縣大業三年省宜州屬京

西魏改爲宜州又廢

北郡以土門縣入義亭二年又於縣置宜君郡領華原  
 宜君同官并置土門四縣唐武元年罷郡立宜州貞觀  
 十七年省宜州及土門縣以華原同官二縣屬雍州宜  
 君屬防州垂拱元年改為永安縣天授二年又以永安  
 縣置宜州領永安同官富平美原四縣大足元年廢州  
 改永安復為華原縣隸京兆府天祐三年李茂貞據鳳  
 翔僭行墨制以華原縣置耀州建義勝軍節度領華原  
 一縣析同州美原縣為鼎州以為屬郡梁正明元年改  
 耀州為崇州義勝軍為靜勝軍鼎州為裕州後唐同光  
 元年復為耀州名順義軍析雍州之富平三原雲陽同  
 州之同官美原五縣屬焉三年降為團練州周顯德中  
 降為刺史州宋開寶五年陞為感義軍節度太平興國  
 二年改感德軍元祐三年復置耀州金元因之 國  
 朝仍為耀州隸西安府領富平同官二縣

富平縣本漢舊縣屬北地郡漢書曰北地郡都尉治神泉  
 障葦曰時武前漢治今在甘州回樂縣界後漢徙今寧  
 州彭原縣界晉徙縣於今縣西南一十里懷德城後魏  
 自今華原縣北殺初故城徙北地郡於華原陽東南通  
 川故城西魏文帝大統五年自懷德城徙於今治周閔  
 帝二年於縣置中華郡武帝省郡以縣屬馮翊隋開皇

三年隸雍州唐天授二年隸宜州大足元年州廢還隸  
雍州開元中徙縣於義亭城貞元四年陞爲赤後唐同  
光元年隸耀州宋金皆因之元季併美原縣爲一縣後  
因兵毀元將張思道徙縣於蜜橋頭即今縣 國朝  
仍爲富平縣隸西安府耀州一統志南十五里有廣武  
城東南三十里有雨金堡秦獻公時櫟陽雨金後因以  
名按其地古櫟陽縣界也通典靈州懷遠漢富平縣也  
後置六鎮二成在縣界北山堂考索云唐開四鎮則福  
極吐蕃雜海云襄公討西戎以救周平王東遷乃以岐  
豐之地賜之遂橫有周西都宗周畿內八百里之地東

至遙山迤山孔氏云謂靡迤禹貢無迤山郡縣志在今  
京兆府富平縣西南二十五里

同官縣本漢殺榭之地屬左馮翊晉爲頻陽縣應邵曰  
以在頻水之陽十六國春秋曰符堅於殺榭城東北銅  
官川置銅官護軍後魏太武太平真君七年罷護軍置  
銅官縣屬北地郡莊宗永安元年屬置君郡後周武帝  
建德四年自今縣東十里同官故縣徙於今治同字舊  
從金至是傍除金字隋開皇二年改宜君郡爲宜州以  
縣屬焉大業二年省宜州以縣隸雍州唐貞觀初屬宜  
州十七年州廢來屬北地郡天授二年又隸宜州大足



元年還雍州梁開平二年自京兆府析隸同州後唐同  
光元年隸耀州金元因之 國朝仍爲同官縣隸西

安府耀州

何景明曰陝西八府西安府凡三十六州縣土物蓋鼎  
七府而加一二非古雍秦上地哉然賦役亦加於七府  
矣夫它省悉有京運關內則留賦以贍三邊北邊儲外  
之百姓內困何邪地力不加而非賦之供日廣也

潼關衛在華陰縣東四十里歷代疆域與華陰同杜氏  
通典曰前代本名衝關言黃河南流衝激華山之東故  
以爲名後因關西一里有潼水因以名關唐立關北屬

山西蒲州東南郡河南閩鄉縣元末平章李思齊張良  
弼等據守洪武元年定陝西以都督郭僉鎮守洪武七  
年開設潼關守禦千戶所隸陝西都司洪武九年改設  
潼關衛隸河南都司永樂六年改隸中軍都督雜海云  
潼關上躋高隅俯視洪流盤紆峻極實爲天險河北岸  
爲風陵津北至蒲關六十餘里河山之險迤邐相接自  
此西望川途曠然蓋神明之奧區帝宅之牖戶水經注  
河水自潼關東北流水側有長港謂之黃港坂東出通  
謂函谷關岸高路 車不得方軌魏武征韓遂馬超連  
兵此地今河之西有曹公壘通典竇泰自風陵濟河至

潼關蜀志魏延欲請精兵萬人與諸葛亮異道合於此  
關亮制而不許

潼關實關內地越河南而隸於京畿防慮後世至深遠  
矣今以內監守之塗者率由商南山西路以入

雍大記卷之四

攷易

鳳翔府禹貢雍州之域本岐州故地春秋戰國爲秦郡  
始皇并天下以屬內史漢高初更內史名中地郡景帝  
分屬右內史武帝後置主爵中尉及改爲右扶風以輔  
京師謂之三輔魏爲扶風郡晉爲秦國後魏置平秦郡  
又於郡東置雍城鎮後鎮爲岐州西魏改平秦爲岐陽  
郡隋初郡廢置岐州煬帝初州廢置扶風郡唐初復爲  
岐州天寶初改爲扶風郡肅宗至德初以岐州置鳳翔  
府取鳳鳴於岐山之義號西京寶應間罷京名屬關內

道五代時屬關西道宋仍為府陞節度屬秦鳳路金置  
天興軍屬陝西西路元初割平涼府秦隴德順西寧鎮  
寧州隸鞏昌路廢恒州以所領蓋屋隸西安府尋立鳳  
翔路總管府至元九年更為散府專行四品府事元末  
陝西平章政事李思齊據守 國朝洪武二年衛國

公徐達兵至思齊款附是年仍為鳳翔府領州一縣六  
附郭治鳳翔縣寰宇記汧渭岐漆雍五水皆會於郡界  
舊志雍有三秦鳳翔其一也唐王承元傳鳳翔右表涇  
原地平少巖阻前漢地理志武帝開地斥境兼徐梁幽  
并夏商之制為十三部扶風其一也詩括云扶風名鳳

翔雜海云德公初居雍城大鄭宮世紀今扶風雍是  
洪武間設鳳翔守禦千戶所於城內隸陝西都司秦記  
康公居雍高寢桓公居雍大寢

鳳翔縣治本岐州故漢地漢為雍縣唐至德中改曰鳳  
翔縣宋改為天興縣金大定十九年以天興縣行慶殿  
字相同又更為鳳翔縣元因之 國朝仍為鳳翔縣

雜海云德公徙雍在鳳翔府天興縣南七里

岐山縣治本岐周故地漢晉屬雍縣地後周割涇州鶉

觚縣地置三龍縣於岐山西南四十里改為岐山縣唐  
改為岐陽縣武德中移於龍尾城廢為鎮五代宋金元

皆因之 國朝仍爲岐山縣隸鳳翔府通典文王徙於岐輿地廣記太王邑岐山之下詩謂居岐之陽叔向云昔成王盟諸侯於岐陽沈括曰後漢西南傳作彼岨者岐呂氏以爲太王文王雖往而其岨易可行之道昭然皆在與山俱存未嘗忘也雜海說文周之興也鸞鷲鳴於岐山成王有岐陽之蒐秦記寧公徙居平陽世紀郿之平陽亭是也地志平陽故城在岐山縣西四十六里秦寧公徙都之處縣有平陽鄉鄉內有平陽聚帝王世紀曰周太王所徙南有周原故始改號曰周山海經曰其上多白金其下多鉄毛氏曰周原沮洳之間鄭氏云率西水滸沮漆水側也周圮古公去豳渡沮漆曹氏曰岐周之地迫近西北二虜鎬方焦獲之地嘗爲其所據雜海世紀太王避狄循漆水地理志在扶風漆縣西又云王季從程書序云維周王季宅程地理志程在右扶風安陵鬪駟以爲本周之程邑也蘇氏曰文王旣克密須於是相其高原而徙都所謂程邑是也

寶鷄縣治本岐周故地陳倉秦漢舊縣後魏曰宛川西魏復改陳倉後周置顯州尋州縣俱廢隋開皇十八年置曰陳倉唐改爲寶鷄縣地理係右扶風地志載三秦記云陳倉以山得名有石鷄唐至德二載更名寶鷄縣

宋金元因之 國朝仍爲寶鷄縣隸鳳翔府榮氏開  
山圖註伏羲徙治陳倉又云諸葛武侯進兵攻距魏中  
將郝昭即此地三秦記曰秦武公都雍陳倉城通典後  
漢涼州賊王國圍陳倉左將軍皇甫嵩督前軍董卓救  
之卓欲速進赴陳倉高不聽卓曰智者不後時勇者不  
留決速救則城全不救則城滅嵩曰陳倉雖小城守固  
備非九地之陷也王國雖強而攻我之所不救非九天  
之勢也國今以陷受害之地而陳倉保不拔之城我可  
不煩兵動衆而取全勝之功將何救焉舊志云左金  
右玉澗面渭水背陵原

麟遊縣通典隋置鳳翔郡義寧元年高祖起仁壽宮二  
年於宮西獲白麟更鳳棲曰麟遊郡唐武德元年廢置  
麟州後降爲縣治因山頭爲城四面深澗宋金元  
國朝仍爲麟遊縣屬鳳翔府

扶風縣本岐周故地漢以扶風郡爲三輔之一晉廢爲  
美陽縣後周天和元年置燕州省美陽縣隋末州廢唐  
武德三年析岐山縣置漳川縣貞觀八年改爲扶風縣  
五代宋金元皆因之 國朝仍爲扶風縣隸鳳翔府  
舊志云東臨漆水西接岐山南阻渭流北抵鳳嶺何氏  
曰晉之興中原半爲夷居姚氏羗也而居扶風符氏氏

也而居臨渭地理志周道郁夷

郿縣崧高詩申伯出封王餞於郿即今縣境按地里圖

經郿本漢舊縣武帝置屬右扶風後漢董卓之郿塢也

隋書註舊曰平陽縣西魏改曰郿城後周廢入周城縣

開皇十八年改周城為渭濱大業三年改為郿縣又後

周置雲州建德中廢唐宋仍為郿屬鳳翔府金貞佑元

年隸京兆府陞郿州太守元憲宗辛亥仍為郿州至元

中改為縣隸奉元路 國朝仍為郿縣隸鳳翔府東

連豐鎬西接散關太白嶺其前渭水繞其後 龍州禹貢屬雍州之域秦鳳之間因山而名山高而長

故名隴今之隴山天井金門秦嶺皆古有也春秋戰國

屬秦內史漢晉屬右扶風西魏置隴東郡及汧陰縣後

改縣曰杜陽後周又曰汧陰開皇三年郡廢五年縣改

曰汧源又有西魏東秦州後改為隴州隋大業三年州

廢尋改屬扶風郡唐復為隴州天寶元年曰汧陽郡宋

為隴州屬秦鳳路金海陵時屬熙秦路大定二十七年

來屬宋金俱置防禦使元改屬鞏昌路罷防禦使為散

郡省吳山隴安二縣入汧源縣領汧陽汧源二縣 國朝洪武二年歸併汧源縣入隴州屬鳳翔府領縣一

曰汧陽大寧關記云穀有二岐左隴山而右汧河面五

峯而枕靈谷爲秦鳳要害之地昔始皇嘗表此以爲秦  
之西門應邵曰隴西郡有隴坻在其西郭仲產秦州記  
曰隴山東西百八十里登山嶺東望秦川四五百里山  
東人行役并此而顧瞻者莫不悲歌括地志文公東獵  
汧渭之會上居之乃營邑焉漢匈奴傳曰自隴以西有  
犬戎史記自隴以西有緄戎地理志隴之安戎乃唐防  
禦使薛逵大中六年秦稱臨水挾山當川限谷危墻深  
塹克楊營壘之勢改爲定戎關

汧陽縣吳山在西古文以爲汧山周禮其山鎮曰吳嶽  
其數曰弦蒲雍州山北有蒲谷鄉弦中谷雍州弦蒲藪

汧水出西北入渭漢置汧縣與隴糜相接屬右扶風

爲汧陽後魏隋皆置汧陽郡唐復爲汧陽縣宋金元

因之

國朝仍爲汧陽縣屬隴州隸鳳翔府爾雅云秦

有陽隴隴即汧縣地一名具圃後漢書隴糜侯國雍左

傳邵穆公采邑雜海云昔非子養馬於汧渭之間孝王

封非子爲附庸邑於秦谷南臨汧水北倚馮河

何景明曰鳳翔即岐周今在八府爲地少然邑轉而無

險阻土物亞於西安余至鳳縣觀鳳鳴之山曰南岐至

成縣詢古西康州有鳳鳴處鳳縣今屬漢中成縣今屬

鞏昌各去數百里間於秦戎則文王治岐地蓋廣遠矣

平涼府禹貢雍州之域春秋為朝那故地秦屬北地郡漢析置安定郡治高平晉徙置臨涇後魏於潘原縣為武州屬太平郡後周屬原州隋安定郡治安定縣又析置平涼郡治高平唐初屬原州元和中以原州平涼縣置行渭州又陷於吐番中和四年復置渭州宋為涇原路經畧安撫使治所政和中置平涼軍金初為原州刺史大定二十七年為涇州支郡後立平涼府元初併潘原縣入平涼化平入華亭仍為平涼府隸鞏昌都總帥府 國朝仍置平涼府領州三縣七附郭治平涼縣洪武三年設平涼衛於府內隸陝西都司唐天寶公

於河西節度胡文定公曰赫連定自統萬徙於此地振張軌據姑臧即涼州後呂光據是稱梁沮渠蒙遜段業稱涼謂之北涼赫連勃勃據朔方都統萬稱大夏隋末梁師都據於此

何景明曰余至平涼城中千室皆荆戶土墻而朱其門間之悉宗室人居日需祿府官不得則白衣張卷嘗於衢府官患苦之夫宗室日益蕃而養弗給肢脛病不伸畜而將為壅腫支離可不急治之哉

平涼縣治在府治東元末廢壞 國朝洪武三年於府東一里十六步治平寺三門外草創治事洪武六年



知縣吳添祥於舊基創建舊縣建置漢爲安定郡高平  
縣後周暨隋始置平涼縣有可蘭山宋元因之 國  
朝仍爲平涼附郭縣通典漢文帝與匈奴和親是後復  
大入蕭關燒回中宮蕭關即平涼

華亭縣秦屬北地郡兩漢晉屬安定郡後魏築城置鎮  
以扼番戎之路隋大業初始置華亭縣倚有隴水芮水  
亦屬安定郡唐義寧二年析華亭屬隴州爲神策軍之  
地後唐同光中置儀州宋宣和中復爲華亭縣屬渭州  
今平涼府金元仍宋舊縣 國朝仍爲華亭縣屬鞏

涼府

崇信縣秦屬北地郡漢屬安定郡見方輿勝覽唐貞元  
間武康郡王李元諒築三鎮一曰百里鎮二曰元良鎮  
三曰崇信鎮見長安志宋改鎮爲崇信縣屬鳳翔府淳  
化初改爲儀州後州廢以縣屬渭州金屬平涼府元因  
之 國朝仍爲崇信縣隸平涼府

鎮原縣秦屬北地郡兩漢晉爲安定郡地元魏太武置  
高平鎮後爲高平郡無置原州隋初郡廢大業初州廢  
置平涼郡唐武德元年曰原州天寶元年曰平涼郡中  
都督府廣德元年沒於吐蕃涇原節度使馬鄰表置行  
原州於靈臺之百泉城貞元十九年徙治平涼元和三

年又徙治臨涇太中三年收復關隴歸治高平廣明元年復沒於吐蕃又僑治臨涇宋至道元年以故高平縣地置鎮戎軍金因之元改鎮原州以東山三川二縣來屬至元七年例併州縣遂以臨涇彭陽東山三川四縣及平安一寨入本州屯田四百二十六頃有奇屬鞏昌便宜都總帥府元末僉書四川行樞密院事張德欽據守國朝改州爲鎮原縣屬慶陽府旋以地近平涼遂隸平涼府

何景明曰鎮原有石窰嶺坂盤廻峻極泥則不可上下是以固矣而虜時時入掠故城守在人險以爲固末焉

爾已

靜寧州史記故戎那地兩漢晉屬安定郡隋屬平涼之會寧唐屬平涼渭州之西北境宋慶曆中以渭州隴干城置德順軍復置隴干縣屬秦鳳路按德順軍舊隴干城也在六盤山外宋祥符中守渭州曹瑋今隴山外有棄地號隴干川垣爲兵衝曾無捍蔽熟戶以田輸官因相地形築城盡要害之地以兵戍之立堡置弓箭手居之慶曆中經畧使韓琦言隴干城爲山外四砦之首北接鎮戎軍捍一路戎馬走集北緣胡盧河川經古蕭關至鳴沙縣乞建爲軍因賜名德順自六盤山砦南二十

里至瓦亭四十里又七十里渭州西自神林堡四十里至石門蕃界七十里東南至儀州百二十里東北至鎮戎軍百一十一里南好水川金皇統中陸軍爲州元初併治平水洛二縣入隴干後復省隴干改爲靜寧州屬莊浪路謂平國朝州仍爲舊領隆德莊浪二縣屬平涼府

隆德縣秦屬北地郡漢屬安定郡五代以前地與渭州同宋天禧初置砦屬渭州地名邪沒隴川蕃語訛謂之羊牧隆城慶曆初改爲隆德砦隸德順軍在六盤山外時與夏人分界隆德與靜邊二砦居邊境外東至隴干

隸都元帥府立總司轄邠州後鞏昌都總帥府或隸平涼府陝西省隸不一國朝仍爲涇州隸平涼府後

後漢西戎傳云涇北有義渠之戎雜海云盧芳據安定稱西平王安定卽涇州周禮職方氏曰安定北地上郡隴西天水金城於古爲六郡之地其人性猶質直然尚儉約習仁義勤於稼穡多畜牧無復寇盜矣有涇水至高陵縣入渭通典步落稽胡蓋晉時匈奴別種或去山戎赤地之後自安定以東方七八百居山谷間後周齊王憲討破之

靈臺縣古密須之地媯姬之國大雅文王伐密曰密人



P 10

里至瓦亭四十里又七十里渭州西自神林堡四十里至石門蕃界七十里東南至儀州百二十里東北至鎮戎軍百一十一里南好水川金皇統中陸軍爲州元初併治平水洛二縣入隴干後復省隴干改爲靜寧州屬莊浪路隴干國朝州仍爲舊領隆德莊浪二縣屬平涼府

隆德縣秦屬北地郡漢屬安定郡五代以前地與渭州同宋天禧初置砦屬渭州地名邪沒隴川蕃語訛謂之羊牧隆城慶曆初改爲隆德砦隸德順軍在六盤山外時與夏人分界隆德與靜邊二砦居邊壕外東至隴干

隸都元帥府立總司轄邠州後鞏昌都總帥府或隸平涼府陝西省隸不一國朝仍爲涇州隸平涼府後

後漢西戎傳云涇北有義渠之戎雜海云盧芳據安定稱西平王安定卽涇州周禮職方氏曰安定北地上郡隴西天水金城於古爲六郡之地其人性猶質直然尚儉約習仁義勤於稼穡多畜牧無復寇盜矣有涇水至高陵縣入渭通典步落稽胡蓋晉時匈奴別種或去山戎赤地之後自安定以東方七八百居山谷間後周齊王憲討破之

靈臺縣古密須之地媯姬之國大雅文王伐密曰密人

不恭敢拒大邦侵阮徂共阮在今涇州北五里之共池是已秦爲北地郡兩漢晉爲安定郡之陰密縣百蠻安亭隋大業初以安定鶉觚分置靈臺縣二年縣廢唐天寶中復置靈臺縣宋金仍唐之舊元至元七年以縣歸併涇州十一年復立以良原縣併入本縣而以長武縣仍併於涇州 國朝仍爲靈臺縣屬平涼府涇州

固原州秦屬北地郡兩漢晉屬安定郡唐故原州蕭關都廬山朝那湫及涇水所出即其境唐至德中陷於吐番自是三輔四無襟帶之固宰臣元載上議曰今西境極於潘原吐番防戍在摧河堡原州界其間當四塞之

接隴山之固阜肥水甘舊壘存焉吐蕃比毀其垣墉之不居其西則監牧故地長壕大軌重復深固乘間築之可移大軍居涇州以爲本根分兵守石門木峽隴山之間北抵於河昔連山峻極下可越置鳴沙縣以爲安豐軍之羽翼靈武五城爲形勢然後舉隴右之地以至安西是謂斷匈奴之脛圖其地以獻量井泉計徒庸畚鍤皆具而不果城宋咸平中始詔曹瑋脩築建爲鎮戎軍自隴而東緣古長城開浚壕塹初李繼隆請城於此朝廷詢其事第繼和奏曰平涼舊地山川險阻旁扼夷落爲中華襟帶乃城之後以爲便東至涇州一百八十

里西南至臨洮六百里南至秦州四百七十里西北至靈州五百里金陞軍爲鎮戎州元初仍爲原州至元十年世祖皇子安西王忙阿剌分治秦蜀遂立開城路威平府仍視上都號爲上路至治三年降爲州領縣一曰開城在府南四十里州一曰廣安在府東南四十里國朝洪武初府與州俱廢惟縣存焉改曰開城成化三年胡寇內侵殺縣官城殘毀乃奏請於朝移縣於

北四十里之固原即舊原州鎮戎軍成化五年都御史馬文升檄按察司僉事楊冕等增築新城添設固原衛於縣治內隸陝西都司弘治十五年總制尚書秦紘奏

改爲固原州隸平涼府

陝西行太僕寺在平涼府東洪武三十年少卿潘立創衙治事

陝西苑馬寺在平涼府東永樂四年建初於指揮杜諒宅治事永樂十五年移建今處內設主簿廳領長樂靈武威遠同川熙春順寧六監開城安定弼隆廣寧清平萬安慶陽定邊武安隴陽保川泰和天興永康嘉靖安勝康樂鳳林香泉會寧雲驥昇平延寧永昌二十四苑俱在本府及慶陽鞏昌府地界正統三年又併甘肅苑馬寺入焉

何景明曰諸寺苑不治則三邊無馬今以漢中之茶收  
羌氏之馬甚利故必茶法行斯馬政可舉矣

通鑑

見

半

雍大記卷之五

攷易

延安府禹貢雍州之域春秋時白翟所居秦併天下置  
上郡漢高帝元年更為翟國七月復故匈奴歸都尉治塞  
外匈奴歸障屬并州是年仍為上郡項羽以翟王董翳都  
高奴東漢時羌胡擾攘郡邑俱廢晉階於戎後屬赫連  
勃勃元魏滅赫連以為統萬鎮孝武置金明郡後魏宣  
武置東夏州西魏改為延州置總管府隋開皇中府廢  
置延安郡總縣十有一唐武德初復改為延州延安郡  
中都督府五代梁為忠義軍唐為彰武軍宋初因之後



改鄜延路置沿邊安撫經略使元祐中延安府爲鄜延路金皇統二年於延安府置彰武軍總管府元改延安路國朝洪武二年平定陝西指揮李恪招輯知府徐武賚印開設府治復爲延安府領州三縣十六附郭治膚施縣洪武初設延安衛於府城內隸陝西都司何景明曰余觀於延慶之城延安城夾於大山長谷間歸然壯矣慶陽城負巖益險下視稍隘無地苟慎固之皆足以爲萬世防歟生力微工而武備弛斯其所爲虞膚施縣治先在今縣後一百八十步洪武十六年知縣張著改建在城之東隅程王董齋都高奴即膚施縣金明塞地前漢書云有洧水可醮莽曰利平

安塞縣縣控金明一川之口本漢之高奴縣地後魏爲唐落縣隋改爲金明縣有治官有清水唐武德中析唐施縣地置以縣屬比武州并置開遠金義崇德永安定義五縣貞觀二年州廢省開遠金義崇德永安入金明來屬宋定問以砦爲縣金明改爲安塞堡置第六正將營元至元壬午陞爲安塞縣國朝仍爲安塞縣隸延安府左有天澤長嶺右爲龍安諸山金明屏蔽上郡扼塞

安定縣晉已降爲河西十伍縣之地宋爲安定堡金因

之前元壬子陞爲安定縣至元元年析置丹頭縣四年併丹頭入本縣 國朝仍爲安定縣隸延安府地理志漢有鹽之縣隴西安定三水北地弋居縣

保安縣古延州之地唐武德中置永安縣舊爲延州栲栳城唐立神策軍控扼蕃寇宋置保安軍建三砦守之曰德靖順寧平戎金大定二十一年陞軍爲州仍置三砦元至元六年降州爲縣 國朝仍爲保安縣隸延安府

甘泉縣本古伏陸縣西南五里有泉隋煬帝飲而甘之故以爲名唐武德元年析洛交之地置天寶元年更名

甘泉宋置甘泉縣洛水出焉金元皆因之 國朝

爲甘泉縣隸延安府

延長縣西魏置延安縣又析義鄉縣隋大業中仍置延安唐高祖武德二年置因隋舊又以縣置北連州并置義鄉齊明縣以隸之貞觀二年州廢省義鄉齊明入延安來屬天寶二年更名延長宋金元因之 國朝仍

爲延長縣隸延安府有獨戰之山烏延之水

宜川縣漢屬上郡西魏分置汾州義川郡後改爲丹州兼置川郡後周改縣爲丹陽隋開皇初郡廢改縣曰義川又廢洛川郡入大業初州廢又廢雲岩縣入焉唐爲

丹州咸寧郡屬關內道本上丹陽郡析延安郡之義川汾川咸寧縣置天寶元年更名領四縣有折衝府五曰宜城通天同化丹陽長松縣四曰義川雲岩汾川咸寧宋爲咸寧郡軍事屬未興軍熙寧間改爲宜川縣金爲丹州刺史領州一曰宜川元爲宜川縣置司候司至元六年省司候司入縣 國朝仍爲宜川縣隸延安府新志東帶黃河西阻鄜時北控孟門南連韓奕爲上郡之前屏

延川縣春秋爲白翟之地漢屬上郡西魏始置文安縣及置文安郡隋開皇初郡廢改文安曰延川唐武德二年招慰籍胡置基州又安撫使許操表置義門縣以爲門置南平州三年析基州之城平置魏平縣四年廢南平州省義門魏平五年更基州曰北基州貞觀八年州廢來屬宋置縣仍名延川屬彰武軍金亦曰延川屬延安總管府元因之 國朝仍爲延川縣隸延安府

鄜州春秋白翟之地漢屬左馮翊莽曰修今後漢復屬上郡魏晉陷於戎狄後魏置東秦州後改爲北華州西魏改爲敷州隋大業三年改爲鄜城郡以古有鄜郡時故云後改爲上郡唐爲鄜州洛交郡領五縣有府十一曰洛昌龍交葦川五交大同安光洛安銀坊杏林修武

安吉大曆六年置在鄜城至李茂貞建爲保大軍節度使領洛交洛川鄜城直羅四縣入州六年廢坊州以中部宜君二縣來屬 國朝仍爲鄜州領縣三屬延安

府

洛川縣漢屬左馮翊鄜邑之地後魏屬東秦州西魏屬鄜州隋開皇三年屬上郡置洛川縣有鄜水唐亦曰洛川縣宋金皆因之元至元四年併鄜州入洛川 國

朝仍爲洛川縣隸鄜州

中部縣春秋爲白翟秦漢爲上郡陽周之境又兼屬左馮翊北地郡之地見漢書地志後周天和中元皇帝

鄜州刺史牧馬於鄜置馬坊於州界舊置鄜州及內郡郡隋開皇三年郡廢大業初州廢唐高祖武德二年新鄜州之中部鄜城置坊州中部郡以後周馬坊爲名有府五日杏城仁里思成永平安臺遂置中部縣本舊內部也宋爲中部郡軍事金爲坊州中刺史仍置中部縣元亦曰中部縣至正二十四年平章王九臯以其卑窄於舊縣西龍榮山築峇屯守 國朝天兵至九臯棄城奔沙漠洪武二年縣丞伯顏賞印開設仍爲中部縣隸延安府鄜州

宜君縣隋以前屬京兆舊治宜君郡開皇初郡廢唐高

祖武德初於馮翊置宜州宜君縣隸焉武德七年置貞觀七年州廢縣亦省二十年復置縣隸雍州永徽二年縣又省龍朔三年析中部同官復置來屬宋屬中部郡軍事金屬坊州元至元四年廢坊州以中部宜君屬鄜州元末知院楊忠據縣之偏橋塞 國朝兵至忠遁

泌漢洪武二年開復爲宜君縣隸延安府鄜州

綏德州春秋白翟所居秦爲上郡漢屬上郡雕陰應劭曰彫山在西南也又曰雕陰道西漢六郡良家子東漢十二郡騎士其一上郡西魏置綏州隋大業初改爲上州統縣十一曰上縣大斌延福儒林真鄉開光銀城城

平開疆撫寧綏德唐初沒於梁師都高祖武德三年以歸民於延州豐林僑置六年徙治延川境七年徙治魏平貞觀三年師都平歸治上縣天寶元年更名曰綏州治龍泉縣宋太平興國中沒於西夏英宗治平中知清澗种諤襲虜夏監軍嵬名山以歸遂城綏州至神宗熙寧二年五月鄜延宣撫使郭達上言夏人渝盟請城綏州故改名綏德城尋陞爲綏德軍金大定二十二年爲綏德下刺史元至元四年併義合綏德二縣入本州元末平章孔興據守 國朝洪武二年平定陝西孔興北遁悉歸附是年仍爲綏德州隸延安府洪武初設綏

德衛於州城內隸陝西都司玉海六典曰關內古雍州之境京兆至綏銀凡二十有二州東距河西抵壠坂南據終南之山北邊沙漠

清澗縣秦漢上郡雕陰之地唐初徙吐谷渾部落於此置渾州又於渾州之寬川置寬州以吐谷渾部族僑治州界番漢雜居後州廢宋康定元年夏人犯延安大理丞种世衡從事鄜州建言延安東北二百里有故寬州請因其廢壘而興之以當寇衝朝命世衡董其役城成雖據險隘而乏水泉議不可守世衡命工鑿地百五十尺遇石工曰不可井矣世衡令工復致其力凡層石一

畚償以百錢過石數重泉果沛發因賜名曰清澗城兵屯守金大定二十二年陞為縣元至元四年又併懷

寧縣入焉

國朝仍為清澗縣隸綏德州

米脂縣即古上郡地宋為米脂砦後沒於夏至神宗熙寧中种諤帥兵取之復為宋砦金大定二十二年置第二將營元至元四年併嗣武定戎二城入米脂始改為縣國朝仍為米脂縣隸綏德州

葭州秦為上郡之北境漢屬西河郡圜陰縣地以其在圜水之陰也漢惠帝五年置葦曰方陰師古曰圜字本作圜縣在圜水之陰因以為名王莽改為方陰今有銀

州銀水卽是舊名猶存後周置銀州隋開皇三年改儒  
林縣大業初州廢唐貞觀二年析綏州之儒林真鄉置  
銀川郡宋爲晉寧軍隸河東北道金貞元間分隸汾州  
大定二十年陞爲晉寧二十年<sup>四</sup>又以西城下川名葭蘆  
改爲葭州興定二年五月以河東殘破改隸延安府元  
亦曰葭州至元六年併通秦彌川葭蘆三塞入州

國朝仍爲葭州隸延安府洪武四年改爲葭縣隸綏德  
州洪武八年復曰葭州轄吳堡又以神木府谷隸焉  
吳堡縣古雕陰郡之地宋築爲吳堡寨金因之元至元  
初改寨爲州未幾併州爲縣隸葭州 國朝因之至

洪武十年主簿徐守正建言民少遂罷縣併入綏德州  
十四年復置縣仍隸葭州

神木縣秦以前爲上郡之北境漢屬西河五原二郡後  
周爲銀勝二州地屬雕陰郡隋仍舊唐開元十二年析  
勝州榆林郡之連谷銀城置麟州新秦郡下都督府開  
元十四年州廢天寶元年復置宋初移置吳兒堡尋陞  
建寧軍端拱初改鎮西軍金興定二年罷軍爲神木寨  
元初以其地立雲州至元六年併太和寨入神木遂爲  
縣屬葭州 國朝因元之舊洪武六年革罷至十四  
年復爲縣隸延安府葭州東方朔傳劉歆爲河內太守

以宗室不宜典三河徒守五原

府谷縣在秦漢爲太原郡地後魏屬嵐州隋屬樓煩郡五代唐莊宗時陞府谷縣後建爲府州五代漢陞爲永安軍周因之宋宗寧中改爲靖康軍又置麟府路元初復置府州至元六年廢爲府谷縣

國朝洪武初因

之洪武六年革罷十四年復爲府谷縣隸葭州

榆林衛禹貢雍州之域秦爲上郡北境漢屬河西郡隋屬雕陰唐屬麟州新秦郡地宋仁宗時沒於趙德明宋末金初皆爲其境元屬米脂縣地

國朝洪武初平

定陝西分撥綏德衛千戶劉寵屯治正統中比鄰

河套爲患特

勅右府都督王禎鎮守延綏等處始

建議築榆林城及沿邊些堡墩臺以控制之遂爲邊鎮

重地成化七年都御史王銳建置榆林衛成化八年都

御史余子俊於舊城北增築城垣置榆林衛指揮使司

隸陝西都司群書纂數云唐張仁愿爲朔方總管築三

受降城以據衝要其一曰東城在榆林東北八里元屬

鎮武其三曰中城即榆林元朔更名九原玉海文帝紀

以賀婁子幹爲榆關總管王恢謂植榆爲塞史記蒙

恬爲秦將逐戎人開榆中地數千里漢書枚乘說吳王

曰秦北徭榆中之關唐志勝州榆林縣東有榆林關貞



觀十三年置本志遠際龍沙四無襟帶營堡相望封埃  
連接屹為邊防雄鎮東枕高山西橫大水南接崗陵橫  
朔漠關中禁喉之地

慶陽府本古西戎地禹貢雍州之域后稷之子不窳所  
居春秋時為義渠戎國秦滅之為北地郡兩漢晉皆因  
之西魏置朔州後周時廢隋開皇十六年置慶州以周  
之先不窳居之至公劉能復修后稷之業民賴其慶故  
以名州領合水馬領華池歸德洛源弘化弘德凡七縣  
煬帝改為弘化郡唐初仍為慶州玄宗天寶元年改為  
安化郡中都督府肅宗至德元年又改為弘化郡陸定

安軍節度使增順化樂踏同延慶方渠懷安諸縣至後  
莊宗時改為州宋太祖乾德元年復為安化郡後又  
環慶路德宗政和中陞慶陽軍節度為府金初置安  
軍後置安定軍節度使兼總管為慶源路皇統三年置  
總管府元初改為慶陽散府至元七年并安化彭原入  
焉領縣一曰合水 國朝仍為慶陽府領州一縣四  
附郭安化縣洪武四年設慶陽衛於府城內隸陝西都  
司秦記繆公用由餘謀伐戎王益國十二開地千里厲  
恭公伐大荔取其王城孝公西斬戎之獮王惠王十一  
年縣義渠雜海曾氏曰宋太祖之世其備西戎則用姚

內斌於慶州責以自守其地

安化縣在府治北一百步本漢郁郅縣為北地郡東漢  
晉廢魏及後周皆為鎮隋於疆域西南置合水縣屬慶  
州唐初改河川縣貞觀初改弘化縣天寶初改安化郡  
後改順化縣宋復安化縣至元七年廢安化縣遂以慶  
陽為散府蒞其事 國朝以安化為附郭縣建設公

宇雜海云后稷生不窟周語不窟失其官自窟於戎狄  
之間括地志慶州弘化縣有不窟城通典慶州安化縣  
有尉李城在西川文口亦曰不窟城

合水縣古北地郡之地隋開皇十六年置縣大業初入

弘化郡唐武德元年直合州是年又析置蟠交縣貞觀  
元年省合州入弘化天寶元年更蟠交曰合水五代周  
省宋熙寧四年復置金因之縣有子午山前元慶陽府  
祗領合水一縣至元二十六年大尉李思齊部將徐興  
據守 國朝徐興率眾歸附仍為合縣隸慶陽府

環縣古朔方鳴沙地秦長城在焉元魏以上地里與古  
靈州同後周置會州隋改環州以河水環曲為名大業  
初州廢屬靈武郡唐復置會州後更名環州後州廢還  
屬靈武咸亨三年置安樂州以居吐谷渾部至德後沒  
於吐蕃宣宗大中三年收復更名威州後廢石晉復置

威州割靈之方渠寧州之馬領木波三鎮爲屬而治方渠五季周廣順二年改曰環州顯德中廢爲通遠縣宋復爲環州又與慶州定爲環慶路其地三面控番戎最爲徼塞之劇其時蓋與夏人接壤也南至慶州百四十二里木波鎮路北至洪德砦八十里至青岡峽青遠軍積石浦洛河耀德鎮靖邊鎮砦靈州共七州沙磧無郵傳冬夏少水按皇華四達記至靈州五百四十里此宋之疆界也金初爲上刺史軍事大定間陞爲刺部領縣一曰通遠倚有鹹河馬嶺坂塔子平權場曰木瓜歸德平遠首惠丁嘉禾流并三保後廢定邊平遠求鄉法

烏崙安邊合道馬嶺木波元初爲散郡舊領通遠一縣至元七年併入本州 國朝遂爲環縣隸慶陽府

寧州古公劉之邑本義渠戎國戰國時戎王與秦昭王毋宣太后亂有二子宣太后詐而殺戎王遂滅義渠始皇初屬北地郡西漢同東漢屬安定郡晉因之後沒於戎狄元魏獻文置華州孝文曰彭陽後又爲豳州西魏置蔚州雲州後周二州并廢分置趙興郡隋開皇初郡廢十八年改寧州曰豳尋廢州而改趙興爲北地郡唐復爲寧州天寶曰彭原郡屬關內道宋爲寧州彭原郡宣和中陞寧興軍皇統二年降爲軍仍加西寧天德二

年去西字爲刺郡領縣四曰安定定平真寧襄樂元初  
因金之舊至元七年併襄樂定平安定入州領真寧一  
縣 國朝仍爲寧州領真寧縣隸慶陽府節鎮詩括  
云賓德鄯州根彭原曰興寧

真寧縣本漢上郡陽周之地西魏置顯州後周廢隋開  
皇中以其地置羅川縣屬北地郡唐玄宗天寶元年於  
縣二十里山洞中獲白玉仙人像二十有七遂改羅川  
爲真寧縣隸寧州宋金元皆曰真寧 國朝仍爲真

寧縣隸寧州按上郡陽周郿之中部真寧去之三百餘

何景明曰靈武及諸邊鹽池之利祛其積弊通之可以  
益兵緩民而率以饒家猾勢要乃計錙銖之求於編戶  
因利制用之道其何以行之哉

寧夏等衛禹貢雍州之域本古戎狄秦屬北地西漢爲  
北地富平縣地後周以其地爲懷遠郡隋開皇三年郡  
廢屬靈州唐武德六年廢豐州省九原來豐二縣置懷  
遠縣西至賀蘭山六十里隸靈州郡大都督府宋初廢  
舊縣爲懷遠鎮宋真宗咸平中趙德明僭叛自夏州遷  
懷遠郡改爲興州居之德明子元昊陞州爲興慶府又  
改中興府遂爲西夏國都疆域與宋延慶熙河分界宋

理宗寶慶中元太祖伐夏執夏主覲去空其城至世祖  
至元八年始立西夏中興等行尚書省至元二十五年  
置寧夏路總管府成宗元貞元年革寧夏路行中書省  
并其事於甘肅行省元末復置行省 國初立寧夏

府洪武五年詔棄其地徙其民於陝西洪武九年復命  
長興侯耿炳文弟忠為寧夏衛指揮率謫戍及延安慶  
陽騎士立寧夏衛寧夏中護寧夏前寧夏左屯寧夏右  
屯共五衛指揮使司隸陝西都司永樂丁亥封建慶藩  
遂為河西重地一統志衛城東黃河岸側有夏州城晉  
時赫連據此稱大夏北有定州城本唐定遠城趙元昊

改為定州默啜傳唐河曲六州分處突厥內屬者其一  
靈夏王海毛氏曰朔方近獫狁之國朱氏以為即靈夏  
等州地郡縣志夏州朔方什貴故城在縣治北詩曰王  
命南仲城彼朔方漢武帝元朔二年收河南地置朔方  
五原郡使蘇建築朔方本志黃河遶其東賀蘭從其西  
衛志西北以山為固東南以河為險宋劉綜議靈州民  
淳土沃為西陲巨屏所宜固守以為扞蔽山堂考索云  
文王遠城於朔野雲夏之間又云綏銀勝夏在河南秦  
漢而下奪匈奴南牧之地列為郡縣  
寧夏中衛秦漢屬北地郡地在大河之外賀蘭山之西

與蘭州接境東阻大河西據沙山考之圖志乃唐靈武郡地歷代建置不詳元初置應理州屬寧夏路

國

朝洪武中州廢立寧夏中衛指揮使司隸陝西都司屬河西道唐杜希全議靈州云據要會為塞保障

何景明曰寧夏甘肅二鎮皆在河外無患豈不以有人哉黃河大限河套膏壤乃隙其地使虜越大限南牧而巢之甚無計夫虜入河則靈韋當衝固靖安蘭而西受寇全陝終歲擾動其為無計甚矣今欲經營其地民力不足舉也若罷諸無益事出內藏積羨有餘力矣夫城守猴望以保大限徙民置官而據膏壤豈非萬世事哉

靈州千戶所屬貢雍州之域西漢屬北地郡置靈

漢魏晉因之元魏大武帝平赫連昌置薄骨鎮河渚上

舊為赫連果園地至明帝立靈州初治河北後徙治果

園所築城西魏置臨河郡後周立總管府隋開皇初改

臨河曰新昌三年郡并廢大業初置靈武郡唐武德元

年改曰靈州即迴樂峰開元中邊境置節度以遏四夷

以州為朔方節度理所管四方六千七百人捍禦北狄

天寶元年曰靈武郡大都督府有府五曰武略河關靜

城鳴沙萬春有朔方軍經略軍黃河外有安豐定遠新

昌等軍豐寧保寧等城故以此為大都督府也宋太宗

至道初初琅為都部署遂守黃河漑民田數千頃戶口四千餘課利四十五萬貫真宗咸平中陷於西夏改為翔慶軍元亦為靈州 國朝洪武初州仍元舊實為民

戶後摘寧夏衛一千戶所於靈州為靈州守禦千戶所在衛南九十里隸寧夏衛一統志衛城南有靈州城唐肅宗即位於靈武即此前漢書云州有河奇苑號非苑本惠帝四年置莽曰令周師古苑謂牧馬也水中可居者州此州在河之洲隨水高下未嘗淪沒故號靈州又曰河奇二苑皆無焉

靈州在河之洲隨水高下未嘗淪沒故號靈州又曰河奇二苑皆無焉